

Broj: 05-02-4-4259/20-1  
Sarajevo, 09.06.2020.godine

**UDRUŽENJE POSLODAVACA FBiH**  
**Mula Mustafe Bašeskije 12/3**  
**71000 Sarajevo**

U-118/20  
11.6.20.

**PREDMET:** Primjena Zakona o ublažavanju negativnih ekonomskih posljedica, dostavlja se

**Veza:** Vaš akt br I-106/20 od 04.06.2020.godine

Poštovani,

Shodno aktu, broj i datum u vezi, a kojim se traže odgovori na otvorena pitanja u vezi primjene Zakona o ublažavanju negativnih ekonomskih posljedica („Službene novine Federacije BiH“ br 28/20), dajemo sljedeći odgovor u skladu sa članom 10. Zakona o organizaciji organa uprave u Federaciji Bosne i Hercegovine („Službene novine Federacije BiH“ broj 35/05).

Odredbama člana 4. stav (4) Zakona o ublažavanju negativnih ekonomskih posljedica („Službene novine Federacije BiH“ br. 28/20) jasno je propisano da **ostvoreni promet**, koji je uslov za sticanja prava na subvencioniranje doprinosa **utvrđuje** Porezna uprava Federacije BiH **na osnovu** podataka o evidentiranom **prometu putem fiskalnih sistema** na serveru Porezne uprave.

Uzimajući u obzir da je odredbama Zakona o fiskalnim sistemima („Službene novine Federacije BiH“ broj 81/09) propisana obaveza evidentiranja prometa putem fiskalnog uređaja i dostavljenje podataka na server Porezne uprave, obveznik je dužan postupati po ovom zakonu po pitanju evidentiranja prometa.

Ukoliko je podnosilac zahtjeva za subvencioniranje, evidentirao promet na fiskalnom uređaju za koji smatra da nije trebao sukladno odredbama Zakona o fiskalnim sistemima („Službene novine Federacije BiH“ broj 81/09), Porezna uprava je dužna riješiti ovo prethodno pitanje, prije odlučivanja o zahtjevu za subvencioniranje.

Na kraju skrećemo pažnju da je odredbama Zakona o fiskalnim sistemima („Službene novine Federacije BiH“ broj 81/09) propisana obaveza evidentiranja svakog pojedinačnog prometa putem fiskalnog uređaja. Promet koji se evidentira na fiskalnim sistemima jesu podaci o vrijednosti prodanog dobra, odnosno izvršene usluge, neovisno da li su iz redovne djelatnosti ili ne, jer zakon nije napravio diskriminaciju (član 2. Zakona o fiskalnim sistemima).

S poštovanjem,



MINISTRICA

Jelka Miličević

Dostavljeno:

- Naslovu
- Porezna uprava Federacije BiH
- a/a